


260.115  
38  
2



通  
城  
縣  
志



同治六年重修

通城縣志



重修通城縣志序



蓋將考政治之得失驗習俗之醜漓則必綜計乎沿革興廢之由以默持平彰瘴激揚之柄徵文考獻酌古準今志乘之修豈惟是覽山川之勝迹溯壇墀之遺規爲足以廣見聞矜博洽哉上雋僻在深山素稱巖邑東連吳楚南控湖湘漢唐以來類皆有事實可紀而記載殊屬寥寥嗜古者固不能無憾焉夫足則能徵者學士之深情也疑則必闕者史氏之遺法也粵自陞鎮爲縣肇始南宋因縣作志創本前明上下數百年間必欲其傳聞之無失也蓋亦難矣况其遠焉者乎

通城縣志

卷首 新序

國朝諸公本此意而續修之依類附載用誌不忘迄於今待修者又數十年矣孝廉郭珊屏嘗慨然以興修爲己任稿既脫而未梓人甚惜之近者粵逆披猖屢經竄擾前規舊制率多變更邑之人捐貲督團同仇敵愾往往奮不顧身以徇大義而貞女節婦矢志捐軀者指不勝屈焉是烏可聽其湮沒耶辛酉歲葵承之於茲月餘解任從事日淺有志未遑歲乙丑



大憲以渠魁殄滅偃武修文飭令各州郡縣編訂志書將彙集以成省志英適重攝縣事爰得與鍾菊潭盧兼三兩學博邀集博雅端方之士分任纂修採訪之勞並取珊屏舊稿參酌而損益之閱年餘而告竣菊潭兼三爲之序做親袁定九爲之跋蓋有慨乎其言之者矣自維謏陋何庸復有贅辭亦唯歷述巔末用備觀風問俗者一助云爾

大清同治六年歲次丁卯仲春月知通城縣事

古鄆慕韓氏鄭英撰

通城縣志

卷首 新序

二



重修縣志序

維

皇上龍飛三年

天威震赫金陵克復羣醜漸就肅清楚北益臻安阜凡  
聖主賢臣之異遇文德武功之隆庥與夫作新濟用有急  
宜乘時奉行者惟省志之修爲最要焉而欲修省志  
必自先修各府州縣志以資採輯通城屬武昌下邑  
亦吳楚三省要隘也咸豐四五年間粵匪或迭擾  
盤踞經數月之久紳耆辦團輸餉不憚効力捐軀以

通城縣志

卷首

新序

赴

國難至於婦女潔身拒辱草蔓煙荒間亦復不少貞魄  
又何容聽其湮沒弗彰耶欽奉

大憲飭修新志札移適邑侯鄭慕翁以中州進士重  
蒞斯土因與册及同官盧兼三查邑志創自前明何  
孝廉隆遞續修於

國朝吳孝廉峩峙後自乾隆二十九年迄道光二十四  
年郭孝廉珊屏復援舊志續纂十卷經前邑侯林澤  
夫鑒定未梓其稿猶存惟咸豐十餘年來烽燹頻仍



其中事蹟紛更有待搜錄爰擇邑紳品端學優數人  
敦請入局分司其事而鄭侯專總其成仍舊則訛以  
訂而略從詳增新則訪以勤而核必確殫心綜理一  
仿新修省志規例每成一卷册與盧君閱後卽呈鑒  
於鄭侯請加筆削自去歲八月至今閱年餘而脫稿  
告竣雖未敢擬史狐之直班馬之才而天時地利土  
風物產以及燼餘之興舉田賦之變通忠孝節義之  
激烈靡不展卷而釐然在目亦庶可附郡隸省備  
皇朝中外一統之全圖矣抑册尤有進通邑山銀水秀不

通城縣志

卷首

新序

二

乏英奇當妖氛熾時士民皆有勇知方不讓他邑特  
文教昌明之世二百餘年甲科殊不數數觀豈坤輿尙待  
儲孕歟抑未能如蘇穎濱之求天下奇聞壯觀以知  
廣大而激發其志氣歟夫運無久而不變事有志而  
竟成臚唱螭頭行踏鼇背詎不恃振拔於其人哉興  
賢育才司教者亦與有責也修文修行尙期與在局  
諸君子及都人士交勉之

大清同治六年歲次丁卯仲春月通城縣教諭

荆門菊潭氏鍾壽朋撰



重修縣志序

國有史省府州縣有志史可知盛衰治亂之由志併可識修舉憲典維持風教之意筮仕者蒞任伊始必博觀縣志因地因時以制其宜如旅人之入境問禁入國問俗者然常例也亦重務也余自咸豐辛酉銓選司訓於茲兵燹之後惟

文廟存明倫堂學署等處盡廢於火其毗近之書院考棚尤蕩泯焉一無所有每月課縣試輒假

文廟爲扁試地心甚愀然先後與同官張君鑑堂鍾君菊

通城縣志

卷首

新序

二

潭牒請邑侯李君毓夫袁君柳溪將舉書院考棚而重新之因急搜縣志以切究其所自來藉以考其疆域學校禮制人物之興廢於同學中覓得舊志一本係前明邑孝廉何君隆創舉而續修於康熙間邑侯丁君克揚者卷帙無多屬辭稍涉簡畧繼獲邑紳吳君峩峙志共十卷計纂至乾隆二十九年止引據之詳考核之確較舊志不啻開草昧而啟文明尤喜創陳諸議申明通之錮弊其不避嫌忌若此則所志之足爲法戒鮮所緣飾從可識矣甲子冬 台憲彙纂



省志札縣移學修理志書邑侯袁君柳溪旋以事去  
鄭君慕韓赴任會商接辦適各首士合修書院考棚  
將次告竣卽於該地設局集諸紳分襄局事復得邑  
孝廉郭君亦棠未刊遺稿凡所纂輯悉仍前志惟其  
去今較近亦且增所未備遂取其稿而裁訂之至於  
郭後又二十餘稔時勢旣殊沿革尤多兼之上年邑  
中疊遭逆擾而仗義殉難之紳民婦女有宜褒揚其  
氣節以感奮人心者或訪諸父老見聞或證之時賢  
紀略商訂編集越載餘而鏡梓告成功焉雖體製難

通城縣志

卷首 新序

二

語大觀而紀載務昭實錄虛車之誚其亦幸免也乎  
是爲序

大清同治六年歲次丁卯仲春月通城縣儒學訓導

應城兼三氏盧殿才撰



續修縣志序

我

國家承平二百餘年

重熙累洽久道化成自

京師以及各省下逮郡廳州縣莫不有志猗歟盛哉志書之周徧休嘉之氣象也惟是各地方官長本其才學無難草創而修飾之顧猶過於謙退必委諸各邑紳耆夫亦謂生長是邦者閱歷既深見聞最確所由詢及芻蕘也吾邑侯鄭慕韓先生才猷卓越學問

通城縣志

卷首

新序

淵深乃不以照為迂愚界茲艱鉅晝夜閒與同事擬議總覺樛櫟庸材難勝重任既而思之吾儒幸際

文運昌明之會雖無才無學無識而業承鈞命必故為

推諉不尤抱愧多多乎猶憶癸卯春照與郭珊屏雷

小明遵諭修志甲辰夏而稿成隨呈藩司閱畢飭

歸首事刊刷而其稿在縣署內遺失至甲寅秋而邑

侯林改訂全稿又經緝獲今上司疊次札催續修

又公舉照司其事備細籌之照係一識途老馬敢不

循循然從癸卯前後澄心校閱虛公研權取其分曉



而混蒙者剔取其確切而恍惚者除粗備草稿先呈  
學師覈核接呈 邑侯筆削然後錄成全部再觀其  
大要再按其細微雖未必毫無可議而問之此心差  
覺無愧焉此同事諸公所同心合志相與以有成者  
也嗟夫力瘁矣其亦慎重之至矣而修志之事亦於  
是乎遂矣

皇清同治六年仲春月貢生星航杜照明敬序

通城縣志

卷首

新序

二



纂修通城縣志序

邑之有志猶國之有史也而修志卽與作史無異蓋亦必兼乎學識才三者然後能無弊也通邑志書由元而上無傳創修於明宏治初年繼訖於

國朝乾隆二十九年道光甲辰 前憲林公澤夫諭邑孝廉郭珊屏等重輯稿具而未成書蓋至於今而水逝雲捲者百有餘歲矣雖山川未改或丰采靡追有心者愴焉同治四年乙丑

上憲疊檄催各郡縣修志我 邑侯慕翁先生以中

通城縣志

卷首 新序

州名進士重蒞斯土經術沈博胸懷謙冲詢知志書荒渺之故爲愀然者久之爰集邑人士合修屬予司其事予以譎材詎堪重寄幸同事諸君皆竭志殫心匪伊朝夕相與徵文考獻補闕訂訛而又出之以和平行之以廉靜計取材分類經 鑒完編凡越一年而成爲卷二十有四爲目百三十有奇於正卷外更增補遺一則網散佚備蒐羅於是乎在竊惟志者記也記分野則照臨之所也記山川則靈秀之區也記賦役則國課也記蓄產則土性也至於紀循良載忠



烈寓古今於一覽別褒貶於羣倫則又公直之道摩  
厲之具也夫紀事必提其要纂言必鉤其元從事於  
斯見聞疎則學不廣取舍謬則識不宏筆削虧則才  
不展三者交譏志非其志矣予不敏其於史家三長  
非所能冀然是書也隸事無造作類族無混淆立言  
無遷就雖不三長且獲三善是則予之所自信而亦  
藉以共信也夫是爲序

時

皇清同治六年丁卯歲仲春月廩貢直臣氏胡洪鼎謹撰

通城縣志

卷首

新序

二



修志姓名

主修兼鑒定

署武昌府通城縣知縣鄭葵

校閱

通城縣學教諭鍾壽朋

通城縣學訓導盧殿才

分校

古鄆候選訓導袁登鼎

監局

通城縣志

卷首 修志姓名 一

通城縣汛把總吳鏞

通城縣典史丁觀光

原纂

舉人郭亦棠

候補訓導雷自昭

原纂兼纂修

增貢生杜煦明

監修

附學生王貽我



纂修

廩

貢

生胡洪鼎

歲

貢

生吳瑞麟

歲

貢

生杜煨錫

廩

貢

生孔繼香

增

廣

生方輯五

署

斬

州

訓

導周芬

廩

膳

生黎煌

副

貢

生李蟠根

通城縣志

卷首 修志姓名

二

舉

人吳蘭

協修

附

學

生鄭秀羣

優

廩

生徐思九

候

補

訓

導何文田

增

貢

生葛對揚

增

廣

生李佳鶴

拔

貢

生黎炳東

歲

貢

生王者貴



前署黃安縣訓導傅宗炳

附貢生黎雄左

郡庠生胡宗政

增貢生王占先

增廣生劉森林

候補訓導樊登雲

校對兼採訪

職員吳均四

職員李登如

通城縣志

卷首 修志姓名

職員孔繼禮

職員劉繡文

附學士生羅用庚

附貢生李承煥

附學士生潘炳如

通判銜葛銓

歲貢生黎照青

監生鄭禮和

監生汪保泰



膳卷

業

儒杜綸九

檢查文卷

承

辦

禮

房汪用貴

通城縣志

卷首

修志姓名

四



舊序

通城爲武昌下邑介然在山谿間其民若士耕鑿爲風入其疆無懷葛天之世猶可想也舊嘗有志蓋因時紀事其言簡其體樸而所爲敷張理道者寥寥矣迺者錫崖舒翁以至楚文獻起而編輯之始炳炳然人稱一方良史軼班馬而追春秋唐宋而下無論已不佞叨分此邦蒞治初書告成翁卽令不佞以首序不佞取而閱之見其三才之理靡一不備且創者有翁翊者有前令霍岡趙君佐政見庵胡君廣文于野

通城縣志

卷首 舊序

樂君重吾侯君在田王君乃獨懇懇焉以序屬三吳之謏士則何也蓋翁之意曰是書也爾令之書也故爲令者觀邑之建置沿革則思所爲興廢之由矣觀邑之分野形勢則思上律下襲之道矣觀邑之城郭人民橋梁學舍以至錢糧兵馬則思泛應各當之宜矣乃其宏且鉅者則表節義育人材美風俗皆於一令責成焉則謂令之書也不可乎夫子麟經垂萬世而蘇子曰魯之書也非孔氏之書也則翁之意也卽不然翁殫其精神規爲是書徒爲紙上之言且不足



澤今而傳後也豈公之所由來乎不佞承翁之意遲  
回者數四竟不能辭不敢以常言諛則推翁之意冠  
之明不僭也若自勗之情又奚俟贅云

萬歷二十六年歲在戊戌知通城縣事吳諗序

通城縣志

卷首

舊序

二



舊序

萬歷壬辰夏繼同奉命署通城縣教事通介豫章之西吾鄉好遊者輪蹄絡繹其地習聞俗樸茂而厭華士以質勝甄陶恐未易也十月度嶺展青氍弟子員振趨濟濟踰蹠咸譽髦器所見異所聞頗樂之然鑒貌未測其蘊且眩焉旣而執經問辨涇渭不相淆試之藝則吐露真修不詭於元僻裁之可入彀竊喜之曰謂通士少文者謬也維時薦書寥落士氣若餒鼓舞以進之惟先民是程而已恐其無徵也問之邑乘

通城縣志

卷首

舊序

三

使考焉諸生曰通志殘缺久矣無足徵迺請於舒方伯公得宏治癸丑褚侯舊編刊蠹不可讀補綴誦披遠無論已卽南宋寶祐初省元有楊公起莘國朝洪永間鄉舉則汪茂實輩制科則劉仕昌輩比肩接踵文章雄海內勛庸貞度而宣猷曾幾何時可云不競夫河山如故霧淑圍轉鏡往蹤幹旋景運不存乎其人哉申諭之曰若鄉在昔士之享大名顯當世者志有明徵高山景行能忘仰止念乎不有以的之孰從而志之先哲其的也二三子其毅率之也諸生惕若



矢爲濟焚計越二年甲午楚大比士通以捷聞數十  
年未續之綫忽焉重光蓋思齊有自非聞風而興焉  
者乎夫士之興也以志則勸懲爲民帥志不可緩矣  
是年趙侯霍岡公蒞邑余以志缺白之侯曰曩郡取  
屬志率爾莫能應謀諸方伯公業許纂訂尙再懇借  
余造而瀆之公始忻然從事搜索稽考遐邇鉅細罔  
或遺百餘年湮沒之蹟一旦指諸掌趙侯司綜覈余  
同司訓侯重吾君謬與校正不踰時而志成焉繼同  
受而讀之曰美哉志之成也視昔亦加密矣貫仍舊

# 通城縣志

卷首

舊序

四

則爲潤色事增新實關政體訂山川之豕亥補人物  
之珠遺原始有志繇要終有按論今昔之名物事變  
一展卷胥在目前是非權衡無錙銖爽一方文獻其  
在茲乎繼同發軔造士粵稽故籍載揚濬哲餘波作  
時雨潤澤芹藻勃焉菁菁洋水渙乎改觀蓋精神流  
貫迎機速化捷若桴鼓影響受益不既多哉官斯者  
監臧否於成跡而經濟宜民立斯立道斯行功德當  
流芳百世爲益遠且大矣產斯者守畫一於成憲而  
範圍同風樂其樂利其利休光可照耀將來爲益深



且長焉無方之益余能專之膠序已耶是何以故昔  
人謂史須三長今之志卽古之史紀載托之乎才品  
鑑資之乎識表章藉之乎學三者缺一難乎其爲志  
矣孟堅稱太史公曰辨而不華質而不俚其文直其  
事核謂之實錄是有取於三長之兼也可以論志矣  
志兼三長是謂實錄將考之前而不謬俟之後而不  
惑豈不裨益於上下而世爲通利賴也乎趙侯樂成  
登之梓陞擢戩行余亦策駕上春官竟厥工而錫類  
通之人咸稱爲明嗣牧敢云告新令尹也繼同不佞

# 通城縣志

卷首

舊序

五

僭書之以識闕典維新之由而自慶有奇逢

萬歷二十六年歲在戊戌通城縣教諭樂繼同序



舊序

萬歷甲午趙大夫霍岡公至自晉勵精民事尤惓惓於廢墜越數月郡索邑乘大夫問之猷應以舊簡蓋斷自宏治癸丑百有餘年矣大夫愀然曰何遼邈若是耶往蹟久湮文獻曷徵責在長民吾其舉之毋敢諉遂屬裁訂於猷猷亦任之罔辭先是歲乙酉余讀禮林棲慨邑志久缺屢白之宰牧諸君子咸謂簿書芟糾而饑祲且薦艱俟徐圖之冉冉將十載余亦知肩鉅者難邁姑置之矣大夫下車首念及曠典其待

通城縣志

卷首

舊序

人而舉乎迺杜門却客遠搜近稽卽耳目所覩記訊之故老凡斷碣塵編下及野史巷議采輯考索之靡遺然後參諸故志增所未備每條首引數語表厥繇若事關利病而煩商確者謬著按論用資葑菲大夫公餘輒廣咨諏躬筆削軒輊臧否燭照今昔就正於學博諸君而志成矣爲卷九爲目六十餘將梓以傳大夫有言於首猷得附言曰志者識也理識諸心則不忘事識諸言則不朽皆託之乎可久述觀禹貢載攷職方壤地無論褊小靡不經天之文緯地之理修



人之紀乃能育羣生熙庶績垂世而罔弊士生數百年後指掌譚故事於數百年前合三才而流貫驗盛衰評得失亦云艱矣不有載乘能無遺訛志固無容緩也通蓂爾地非禹貢職方所包羅者乎鋪張而志之也蓋亦祖述乎國史緒餘乎大一統志上下古今之道所謂可觀可興咸正罔缺者非此曷繇哉惟大夫懸衡鑑平稱低昂明類物情乃芻蕘自獻於草莽疇昔屬其只且乘時售其井天不徒因言識事且將

# 通城縣志

卷首

舊序

七

因言識理是故吾觀之官司政教倉庾津梁非仁之  
靄然不可遏者乎吾觀之戶口貢賦物產公署非義  
之森然不可已者乎吾觀之人物祀戎古蹟文藝燦  
然不可掩者其禮所生吾觀之分野沿革疆土風俗  
井然不可淆者其知之寶玉音彰君寵省方昭臣度  
典章之鉅且重者一補闕焉而忠愛寓代署俄頃之  
澤儒吏一秩之榮修人以應天尋邱以弔古均難泯  
泯焉者增之奚贅若師師之里第勲烈鄉詰之顯晦  
事業則詳畧殊而舛錯亦多非忽也籍亡事逸爾蓋



前有徵者仍舊貫後有作者據新聞否則誣焉矣以  
傳信庶幾言非枝葉其永無敦僻壤文獻藉之可傳  
斯無負舉事意哉雖體裁無當於大觀比之乎他山  
之石攻玉者或資之也維時吳大夫樂貞公奉簡命  
治教吾通拜先師日進諸生疊疊示肯綮觀聽者  
趨踰圍橋門迺函志草請裁披省釐正樂成其美蓋  
治先典則政亟先務誠奇觀也夫先後同心緝熙以  
詔將來其微際遇之大幸乎大猷日偕農圃奉典則  
以周旋皞皞粉榆中不識不知實斯志之貽矣百世

# 通城縣志

卷首 舊序

八

範圍永賴何極若鏡梓摹傳則邑幕胡君侯文與有  
勞焉

萬歷二十六年戊戌歲五月既望致仕通奉大夫浙  
江承宣布政使司右布政使奉勅整飭淮陽海防兵  
備兼管河道前廣東按察司副使奉勅提督學校兵  
巡邑人錫崖舒大猷序



舊修縣志引

縣原有志年來火災其木遂成斷簡台奉命守茲土甫下車便意或補修之而無如國事之艱何適聖天子下詔徧訪諸郡國志夫亦以蕩氛之後復新一番世界則地方勝概若巖川若人物若土產若風氣更宜詳明爽備堪供法眼爰是蒐昔之僅存者補以今之創集世還其原志覺翻麗於風可曰通城區區一幅幘無足備武昌指數然亦是天子附庸之隸也是亦聖朝屏翰之方也按戶口而稽保障之勤洞人情

通城縣志

卷首

舊序

九

而落么磨之膽所關豈不甚重敬言諸首

崇禎九年歲在丙子四月朔知通城縣事趙三台小序



舊序

昔之編史者必數十年而後成誠慎之也國史釐正黜陟千古君子秉筆惴乎有肅心焉郡邑載乘亦將取史義而定之是故因時增損嚴翼校著簡覈是尙緝誕是正所以傳信也通志斷自先朝宏治間繼一校於錫崖舒君再編於西濂楊君復修於泰六趙君亦旣釐然備哉上下數百年其間山川人物風土習尙皆得博綜盛衰之故年來兵燹迭經不啻草昧非猶夫前此之爲盛衰也治適承乏茲土甫入邑蓬蒿

通城縣志

卷首

舊序

十

接目瓦礫盈墟殘煙數椽頽垣幾堞褰裳就事疲勞靡極爲親民之官則思盡其事爲牧民之長尤思殫其心爲之診百傷而撫創爲之釐百弊而救凋爲之剔積蠹而剗其尤爲之攬積廢而舉其先興復要典刷滌陋規貴便衆無貴譁衆顧是不養次第以圖就緒日月逾邁荏苒計基回觀風土文物進退正自難言旁求先哲儀型在望蒐訂遺牒考鏡不爽今之視昔愈難而嗣徽較苦後之視今雖遠而作述可據則所由表正疆土彰明文獻俯仰今古載歸一轍者此



物此志也一編之義將與昔日春秋同凜日星而觀  
成之道庶幾深淺求之而胥有當云

序  
順治九年歲在壬辰仲夏月知通城縣事邗江盛治

通城縣志

卷首

舊序

十一



舊序

揚蒞通之明年郡檄屢下奉

命編天下山川形勢戶口丁徭地畝錢糧民俗人物疆圉  
險要彙集成書以襄  至治甚盛典也敢不鐫刻以  
裨纂修獨計通邑南抵豫章兼通漢昌西南入巴陵  
郡西達臨湘以楚門爲界西北入方山蓋蒲圻境也  
東北距崇之大岐嶺分列之鷄鳴峙其東柘橋據其  
北皆崇界也其間車不方軌馬不並蹄而且石田滿  
陌土多流移吏是邑者深悼前此之重累吾民也方  
將撫綏不暇而暇修舉廢墜乎哉以是誦讀之聲鮮  
聞閭里隸庠序者尙相救死不給難以副  
聖天子隆禮求賢之意故

通城縣志

卷首

舊序

十一

朝廷三年課士之典幾成絕響自先朝庚子以來已七  
十有三年矣嗟嗟人文之凋敝未有過於通者采風  
之使其能不攬轡而躊躇耶所增輯者僅新增人丁  
二千二百有六及次丁二千二百七十有五以及職  
秩併歲貢士已耳然戶口雖增徒多寥落之感非藉  
手入告力爲減除無以甦民命於萬一其敢遽焉纂



入作不刊之令典耶惟是丙午之歲舉於鄉者一人  
己酉發武榜更得一人雖非土著其不敢不登之邑  
乘者爲其籍於通也然茂草之鞠於通不無深慨焉  
修舉廢墜岌岌乎難之又不敢不兢兢乎慎之蓋以  
今之日帑旣無餘財其鄉里又無餘積顧安所得備  
其未備也哉補厥遺漏以佐成書非畧之也爲其力  
有所不贍耳今

皇上睿資天縱德業日隆抑且名賢輩出黼黻太平苟得  
稍一振飭便成美俗但不得不望當事者相與補偏

# 通城縣志

卷首

舊序

十三

救敝躋斯民於三代之隆也竊有志焉要不敢以身  
任耳

康熙十一年歲在壬子孟冬月知通城縣事越水丁  
克揚序



舊序

省府州縣有志志其風土事產也顧易誌爲志者何志聖王興除道齊一道德同風俗之志也所以周禮春官小史掌邦國之志外史掌書外令掌四方之志秋官小行人使適四方之利弊爲一書其禮俗政事治教刑禁爲一書其康樂和親安平爲一書以五物周知天下之務降而漢唐採風之使不遺美刺之詩不陳郡邑利弊遂專藉志乘爲帝王周知之體要蓋不惟各州各邑風尚攸殊卽一州一邑中方域之風

通城縣志

卷首

舊序

十四

氣族姓之習尙亦或迥相逕庭惟志之也析而詳斯一展卷有以周知州邑中何利應興何弊應革何風應道何俗應齊豫爲

國家教治禁刑一道同風之化資也則禮俗之攸繫志體也綦重矣哉顧開登閱各州邑之志風俗也輒美則錄之弊多諱之者何也爲縷陳敝俗有干官忌民忌也粉飾官師忌其莫沽揚化變俗之名巧避失禁失刑之謫奸暴士民忌其宜露弊由大妨作僞後徑漁奪莫逞也所以編輯者舉避怨避忌惟俗弊爲穩



諱質之志體大相悖矣通邑固多士敦詩書農勤耕  
作女務紉織吉凶賓嘉四禮近古者居多俗之康樂  
和親安平者也惟匪竊訟師造偽克鬪搶奪五大綱  
弊俗之亟應刑禁者也幸邑侯明公洞志體也承諭  
一秉至公爰集同志遵鈞教爲博採羣籍周諮耆舊  
取舊志之闕者補之訛者訂之錢穀今昔異制者註  
之人物之良莠善揚惡隱必覈必信不敢徇石混玉  
翻致執石疑玉也而於鄉俗尤必詳且晰者爲備

聖天子周知之資憑以教治刑禁興除道齊之址也至志

# 通城縣志

卷首

舊序

十五

猶史也古人云平素不做登志書事臨時要做入志  
書人古今人通病也開澄不敢避親故之忌自牴是  
非之良致令志體失體信史失信大負

聖天子暨諸臺憲官師懲勸激揚之盛心興除道齊之大  
化也是則開澄差堪自信者是序

乾隆二十九年仲秋月舉人吳開澄義時撰



重修通城縣志序

道光二十二年春予選通城夏五月甫下車索志書  
觀舛訛漫漶不可讀以意摹探乃頗得其崖畧考其  
所載舊蹟如演武廳邑厲壇育嬰堂久皆傾圮山川  
社稷先農三壇蕪於榛莽 萬壽宮與 文廟之祭  
器樂器書籍率殘廢不完 文武各宮廟學宮養濟  
院亦有剝落名僅存矣存而朽蠹者又半矣問以考  
棚賓興膏火義學育嬰曰未具也每覽心輒悶悶板  
既蝕而前後創續各刻求之亦復無有念欲修舉廢

通城縣志

卷首

舊序

十六

墜採輯成書而邑經崇逆亂後民心甫靖時又大荒  
平糶濟饑百事倉卒計未遑也是秋中稔冬收稍饒  
逮於次春雨暘應節歲事豐綏城垣兵房更舖以次  
督竣 文廟學宮祭器樂器經閣書籍之有殘缺者  
勸監生傅協中出資補葺完好北城外舊所議建之  
文峰塔率令無稽事以漸舉顧其俗多溺女爲士者  
應痛除此惡習以養生氣以培元氣而昌文運間與  
學師沈藍生先生邑孝廉鄧西教諭吳玩齋孝廉揀  
選知縣郭珊屏貢生候選訓導雷自昭附貢候選訓



舊修志姓名

乾隆二十九年

纂修

邑人吳開澄

歲時乾隆辛酉舉人揀選知縣

通城縣志

卷首

舊修姓名

一



通城縣志目錄

卷首

序文

舊序

目錄

圖考

第一卷

星野

氣候附

第二卷

通城縣志

卷首 目錄

疆域

形勢

入景

宮圖

四至

入到

路程

第三卷

山川

巖山

石嶺

洞峯

罐尖

冲崙

坪坳

潭畝

灘段

埠漿

陂水

堰港

塘泉

井

渡

第四卷

沿革

第五卷

建置

祠城垣

堂馬道

院衙署

郵營汛鋪

關倉舍隘

街壇市



坊表 臺閣 亭塔 橋梁  
石路

第六卷

風俗 方音附

第七卷

土產 風土詩附

第八卷

田賦 戶口附 糧稅 田制 徵解 雜稅  
奏稿附

第九卷

學校上 文廟 祭品 祭器 禮節 樂譜 學宮  
學額 書籍

通城縣志

卷首 目錄

二

第十卷

學校下 書院 膏火 賓興 考棚 義學

第十一卷

禮制 賀儀 祀典 上任 救護 鄉飲 迎春  
射圃

第十二卷

職秩 知縣 教諭 訓導 縣丞 主簿 管守  
典史 善政附 巡寓附

第十三卷

選舉上 進士 舉人 貢士 武科 保薦 恩賜  
封贈 蔭襲 例職

第十四卷



選舉下 仕宦

第十五卷

人物上

鄉賢才猷

忠義儒隱

孝友義夫

懿行

文苑

佳蹟

第十六卷

人物下

義舉農員

人瑞

院長

耆壽

卿飲賓

第十七卷

列女

節婦

烈婦

貞女

瑞媛

第十八卷

藝文

記詩

碑

跋

引

傳

議

通城縣志

卷首 目錄

三

第十九卷

廟宇

廟壇附

寺

觀

菴

堂

院

第二十卷

古蹟

第二十一卷

塋墓

第二十二卷

祥異

第二十三卷



兵事

第二十四卷

雜記

補遺

通城縣志

卷首 目錄

四



通城縣志

凡例

一縣志自宋熙甯陞鎮爲縣後倡修於明孝廉何隆繼而方伯舒大猷學博吳文懿續之迨我

大清順治十年學博吳穀泗康熙壬子邑侯丁克揚乾隆甲申孝廉吳開澄以次修輯及道光二十四年邑侯林逢年以年久事湮諭邑孝廉郭亦棠等重輯稿脫未梓茲奉

大憲飭修新志擬將疆域山川之一成不易風俗土

通城縣志

卷首 凡例

產之至今未改者均遵舊志類編若壇廟城垣因時修葺關隘田賦以時變通及忠孝節義必當隨時採訪登載者除仍備錄原委以識不忘外謹仿舊志暨現修省志條款據實纂入矢公矢慎總期無濫無遺一星野歲差分度微渺何窮茲本晉天文志春秋元命苞正其分野間採羣書以資攷證

一疆域山川古今不故康熙年間分立九宮大圖各轄小圖其間形勢至到及山水等項按序詳載至陂堰以防乾旱亦仍舊志所有登入



一沿革斷自虞夏及於

國朝其間改號易屬果係何代何年確實查核依次編載  
一建置城池官署公所諸類興廢無常舊志所載今存  
無異者因之其近年補修添修以及有待興修者謹  
依次登明備考

一風俗土產原無甚異仍舊實錄自享耕鑿之利以存  
食貨之遺

一田賦 國家惟正之供取民有制咸豐初年改行漕  
折制稍變通除遵舊志備錄外謹查照現行新章依

### 通城縣志

卷首 凡例

二

#### 次彙入

一學校教化所由興道光以前規模頗稱宏備近因粵  
匪竄擾所有 文廟 文昌宮 崇聖各祠尊經閣  
明倫堂以及東西兩齋書院考棚概遭傾毀現經陸  
續修建尙多未完謹備錄巔末以待後之興者

一禮制照現行典禮詳載

一職秩遵照舊志載明姓名籍貫年月任卸若循績卓  
異有善可紀者則於本名下特詳其事蹟以爲有位  
者勸附志善政更備省覽



一選舉姓名科分依舊彙載其仕宦何地另爲詳註年  
遠遺漏者查實補登保薦封蔭一體登記其餘文武  
各職非由庠捐納不載

一人物舊志分列忠臣義士孝子諸條各以類從茲則  
先鄉賢次忠義依類而下不無小異至忠義一項比  
舊尤夥蓋自粵逆竄通以來合邑紳耆捐貲督團爲  
國捐軀毀家紓難者指不勝屈爰就其事實秉公確  
查據實酌登其未經申詳者仍俟焉餘遵舊志  
一列女節烈各類已奉

通城縣志

卷首 凡例

三

旌表者全錄未奉 旌表者謹據紳耆舉報確加採訪核  
實登入以待彙請

一藝文舊志紀載累幅茲承 諭札地理詳註詩文次  
之因節錄其所存至所得於後者略登數藝餘概從

刪

一廟宇就前志有者列於前以下依次而序凡有香火  
田輻輳者俱不載

一古蹟塋墓祥異於舊志外有得之見聞者依類續入  
一兵事於舊志所有者依次編入近自粵逆擾境九堵



剿陣亡以及男婦被害悉心採訪列爲年表據實紀載其姓氏據奏覆清冊開列婦女入烈婦志

一雜記凡事有宜於紀載並無條款可歸者另爲一編以附其後

一補遺有得之甚遲而仍不可不錄者俱照正卷彙紀良由槁項黃馘窮檐嫠婦遺之甚易採之甚難因歸此條以廣搜羅

一方外通城無大叢林兵燹後廟宇多毀僧道散佚過半其前此者稽考缺如茲所紀錄或卓錫所歸或因

通城縣志

卷首

凡例

四

事連及藉見一班故不彙載



通城縣志卷首

圖考總目

四境全圖

縣署圖

文廟圖

學署圖

城隍祠圖

青陽書院圖

九宮各圖

縣城圖

萬壽宮圖

文昌宮圖

武廟圖


隆平寺圖

考棚圖

通城縣志

卷首 圖考總目

四境疆







城縣

圖全界


通城縣

卷首 四境全圖





署 縣




通城縣志

卷首

四考


三

圖 之





萬壽宮圖




通城縣志

首

圖考


四

之圖





學署文廟



通城縣志

卷首

圖考

五


以上四圖皆仍舊繪惟

縣署


萬壽宮實經兵燹無存有待重修



聖武



文昌宮圖



通城縣志


卷首

圖考

六



城隍祠圖




通城縣志

卷首

圖考

七


廟圖



廟圖



青陽書院圖



通城縣志


卷首

圖考

八


隆平寺圖

劉家塘僧海清石塔





考棚圖



通城縣志

卷首 圖考

九

中宮

東至鐵東港





乾宮

大圖

通城縣志

卷首

圖考

十





坎宮



通城縣志

卷首

圖考

十一

大圖





良宮



通城縣志

卷首

圖考

十二

大圖





震宮



通城縣志

卷首

圖考

十三

大圖





宮 巽



通城縣志


卷首

圖考

十四

圖 大

北至南庄標山爲界





宮 離




通城縣志

卷首

圖考

十五

大 圖





宮 坤



通城縣志

卷首 圖考

十六

大 圖





大

圖



通城縣志

卷一

圖考

十七

兌宮





大圖



通城縣志

卷首

圖考

十八